

## محدثش فيكوا ينكشنى

أبوس إيدكم ..!!  
محدثش فيكوا...ينكشنى ...  
ولو حتى.. فلت منى الكلام  
لازم حد يلحقنى .. يكتفنى ...  
ويكتم بقى .. ويحوشنى  
ولا تقولى كلام فاضى ...  
ولا ثورة... ولا دياولوا  
ولا أحكام... ولا قاضى  
ماهياش ناقصة تانى كلام  
مدام الكل كدا راضى  
يعيش ميت.. سنين قدام !!!  
ومن كتر الهنا.. قصاڊى  
على القهوة.. ماسك شيشه  
وصوت الست ... ييلعلع....  
يقول يا سلام .....!!!!

وفيلم وفن؟؟؟ متشخلع ....  
ورقصة لصافى.... وبترفع !!!!!!!  
ولا تقولى.. ف جيبك كام؟؟  
صحيح بالحق ..يا بلادى :  
عاش بالدين.. ومتقاضى !!  
ومن كتر الهموم ما بنام!!  
وليه زعلان ؟؟؟؟؟؟؟  
أبوها راضى.. وأنا راضى  
واهى سنين ضايعة ..ع الفاضى  
ماهو بناقصها دى الأيام  
وليه قهران ؟؟؟؟؟؟؟؟؟  
يا عم استنى ..واسمعنى !!!!!  
حزين ...  
ع اللى انقتل ف ميدان  
حزين ...  
ع اللى جرى وباعنى  
حزين ..

على انسحل واتهان  
وع الحلم اللى يوجعنى  
وانى اعيش فيها... انسان؟؟!!  
ولما الحلم يجمعنى  
انا وجر جس .. وكنا جيران  
وكان بيشلنى .. يرفعنى  
ماسك ف ايديا بالقرآن  
ولما رصاص الأمان ليهم  
فرش...

فى صدورنا ونام  
مافرقنيش أنا محمود ...  
ولا جرجس .. ولا باكينام  
وتتكرر تانى القصة  
وهى ديت السلطة  
كما الجبروت ... ف كل زمان  
وتتلون حياتنا كمان؟؟  
بلون موتنا ... بلون الدم؟؟؟

وحلم كابوس... ملان بالهم  
وكذبة كبيرة... بنعشها...!!!  
وعشناها... وكان يا ما كان!!!  
ولما رصاصكم... برئ منى  
ومن دمي.. قولوا لامي  
انى كنت عييط؟؟؟  
وصدقت الامل نوبة  
بقولها أهوه... خلاص توبه  
مانيش هاحلم... هاعيش وخلاص  
لحد ما يبقى فيها... خلاص  
ولا تقولى هنرفع راس  
ولا مصرى... ولا مهياص  
وحتى دراعى مش نافع...  
لضرب الفاس  
من كتر مانضرب فيها؟؟؟  
من الحراس  
ولا قادر على خط الكلام بيها..

على الكراس  
ولما امنكم طالنى !!!  
وكسر لحمى ف عضامى...؟؟؟  
وطاطا الراس  
وخلى عدلكم يدبح !!؟؟  
قلوب الناس ...  
وكان الضرب ف المليان ...  
وناس تنداس  
ماطلعوا براءة يا اخونا؟؟؟؟؟؟؟؟؟؟  
ولا تقدر تهد نظام  
ماهياش ناقصة تانى كلام ؟؟؟؟؟؟؟؟؟؟؟  
نظام متربى متمكن ... ف سابع ارض..  
ومخاوى شيطان خناس  
يروح يضرب.. بسيف العدل؟؟؟  
يسجن ناس ..!! ويعدم ناس !!  
ما كل حكاية ..عايزة مقاس

ماهياش ناقصة تانى كلام.....؟؟؟؟؟؟؟؟

طب والورد..

اللى كان فتح فى جنين مصر

قطفوا عيدانوا...

واندفنوا ف جنب القصر

وكل القصة ما تطول...

نملى بالورود بستان

سوى جندى..!! سوى ثورى ..!!

مماتوا خلاص

وقالوا ايه اللى قاتلهم

قالوا دا الشوك ...

اللى بيزرع ف غصن الورد

محدث فينا... موت حد !!!!

دى كانت لعبة ؟؟؟

صد ورد؟؟؟؟؟؟؟؟؟؟؟؟؟؟

واصحابنا اللى عارفنا..

وعارفينهم

بإشارة واحدة من ايدهم...

نقوم على بعض !!!!

نموت بعض ؟؟؟؟

وويبقى يا سادة دا عيدهم و يوم السعد !!..

ويحتفلوا ويرفعوا علمك مع الرايات؟؟

وف السهرايه والرقصة على الصاجات

لقيت علمك حزام ع الخصر ؟؟؟؟

يا الف خسارة وخسارة...

بجد يامصر !!!!!

وكان ياما كان

ف مرة زمان ...

كانت قصة مشهورة للسحرة مع الفرعون

عشان الحق ما يظهر لابد يكون

تفوق الخلق م الغفلة

وغشاوة تزوول

ولما قامت الحفلة

حضر فرعون وكان السحر وياهم

وكان الكاهن الاعظم هنا معاهم  
وكان الجمع م الضالين  
ولما السحرة جت ترمى  
حبالها اتحولت تعابين  
لفت لفت ...  
على رقاب الكل واتشدت  
خصوصا اللى مش ساجدين  
والمساكين كانوا شايفين  
بس السحرة شداهم ... شمال ويمين  
كانوا تايهين ... كانوا طائعين  
ولاله الصنم هتفوا ... وسجدوا كمان ...  
مع الساجدين ؟؟؟  
ماهيش محتاجة تانى كلام  
كلام يمكن ...  
يخيل على ناس  
وناس ..

عاملة انوا يقنعها

وناس..

ف الحق دول انجاس

وناس ..

عايشالنا بقناعها

وناس ..

تلبس قناع الغش

بغباوة !!!!!!!!!!!!!

ولافاهمة ولا عارفة

ولكن ..!!

عايشة بحفاوة ؟؟؟

وتتغطى : بسقف الوهم

وتتفسر: ف مليون حلم

وياريت الحلم دا ...مشروع

عشان خاطر الغلابة... تعيش

واهي عايشة.. ف بحر خشوع

ولا حاسة.. بآلام الجوع

وتسأل.. اى حاجة مفيش  
واتفرج على الساجدين ...  
تحت الاناء مستنين  
بركة مولانا الملك !!..  
تنزل نقط  
يتوضوا بيها ..!! فى الملاء؟؟؟  
وتملى بعنيها الدموع  
تنفعها فى .. وقت الكلاء  
والحل .. عند اللئ خلق  
اما انا .... مافيهاش رجوع  
طب اسمع منى كلمة اخيرة  
تعيش سلطان... باقى الايام  
ماهيش محتاجة... حتى علام  
بجرة من قلم واحدة  
واشطب ليك ...يجى كام عام  
ولا ثورة... ولا دياولوا  
ولا تثوروا.... ولا تحاولوا

وتلقى الدنيا ماشية تمام  
ماهيش محتاجة تانى كلام  
ابوس ايدكم...  
محدث فيكوا ينكشنى  
ماهيش محتاجة تانى كلام

٢٠١٥/٥/٢١